



Pecyn Athro / Athrawes

Athro / Athrawes Addysg Gorfforol

Swydd blwyddyn

Llythyr i'r Ymgeiswyr oddi wrth Gadeirydd y Corff Llywodraethol

Annwyl Ymgeisydd

Athro/ Athrawes Addysg Gorfforol: Ysgol Morgan Llwyd

Rydym yn falch iawn eich bod wedi gofyn am ragor o wybodaeth am y penodiad yma yn Ysgol Morgan Llwyd.

Mae'r Corff Llywodraethol yn frwd dros addysg a lles ein disgyblion ac yn awyddus i barhau ar ein taith o welliant. Rydym yn chwilio am berson gweithredol a brwdfrydig sy'n rhannu ein gweledigaeth:

Mae Ysgol Morgan Llwyd yn gymuned falch, groesawgar sy'n angerddol dros allu pob unigolyn i gyflawni ei botensial a'i uchelgais, ac i ddatblygu i fod yn aelod hapus, hyderus, annibynnol a chyfrifol o'i gymdeithas.

Yma, mae pob unigolyn yn cyfrif. Dathlwn fod pob unigolyn yn unigryw a bod pawb yn cael eu hannog i ffynnu'n academaidd, yn greadigol ac yn bersonol mewn awyrgylch Cymraeg clòs, gofalgar a chefnogol. Does neb yn cael ei adael ar ôl.

"Ym mhob llafur mae elw". Ym Morgan Llwyd, cydweithiwn tuag at, a chyd-ddathlwn, ragoriaeth a llwyddiannau pob aelod o'n cymuned.

Mawr obeithiwn y byddwch yn danfon cais atom fydd yn dangos eich bod yn awyddus i weithio gyda ni i ddarparu'r gwasanaeth gorau bosibl ar gyfer ein disgyblion. Mae croeso i chi gysylltu os ydych angen unrhyw wybodaeth bellach.

Yn gywir

Mr Huw Robertson

Cadeirydd y Llywodraethwyr

Gwybodaeth am yr Ysgol

Ysgol uwchradd gyfrwng Cymraeg yw Ysgol Morgan Llwyd wedi'i lleoli yn ninas Wrecsam ac sy'n gwasanaethu dalgylch eang Sir Wrecsam. Fe'i hatorwyd yn 1964 gyda chriw bach o ddisgyblion, ac ers hynny, mae'r ysgol wedi mynd o nerth i nerth gan symud i safle newydd yn y flwyddyn 2000. Erbyn hyn mae tua 950 o ddisgyblion ar ein cofrestr a 75 yn y chweched dosbarth. Daw ein disgyblion o'r ddinas ei hun, y pentrefi cyfagos ac o ardal wledig Dyffryn Ceiriog. Ysgol Morgan Llwyd yw unig ysgol uwchradd Gymraeg y Sir ac un o'r ddwy ysgol yn unig sydd â Chweched Dosbarth.

Ymfalchiwn yn ein traddodiad o lwyddiant academiaidd ein disgyblion a'u llwyddiannau ymhob rhan o fywyd allgyrsiol yr ysgol.

Ein gweledigaeth yw sicrhau fod Ysgol Morgan Llwyd yn ysgol ofalgar sydd yn datblygu dysgwyr uchelgeisiol a galluog, mewn awyrgylch ble mae pawb yn hapus, yn ddiogel ac yn awyddus i ddysgu.

Gwybodaeth am yr Adran Addysg Gorfforol

Mae'r adran Addysg Gorfforol yn Adran boblogaidd a llwyddiannus yn yr ysgol. Bydd pob disgybl yn derbyn gwersi Addysg Gorfforol o flynyddoedd 7 i 11 ac mae niferoedd iach yn dewis astudio cymhwyster TGAU a Lefel A yn y pwnc. Mae 5 aelod yn yr adran; 3 yn rhan amser. Mae'r swydd hon wedi codi o ganlyniad i secondiad un aelod o'r adran i swydd CADY am flwyddyn.

Mae'r Adran Addysg Gorfforol mewn bloc ar wahân yn yr ysgol. Mae Neuadd Chwaraeon fawr a Champfa dan do, a thu allan mae Cae Pob Tywydd ac ardaloedd llai. Mae'r adran yn rhedeg llawer o weithgareddau allgyrsiol ac yn profi llawer o lwyddiant mewn sawl maes.



Prif Ddyletswyddau a Chyfrifoldebau

Prif ddyletswydd Athro / Athrawes Addysg Gorfforol yw addysgu'r pwnc i flynyddoedd 7-11. Ni fydd disgwyl i'r ymgeisydd llwyddiannus ddysgu TGAU a Lefel A er y gellid ystyried hynny yn unol a dymuniad yr ymgeisydd. Bydd disgwyl cynllunio gwersi yn unol a chynlluniau gwaith yr adran ac asesu'n rheolaidd yn unol a'r polisi marcio. Bydd yr athro/wes yn atebol i bennaeth yr adran. Bydd athro/wes newydd gymhwyso o dan ofal Mentor Sefydlu.

Penodir yn unol ag amodau cyflogaeth cyfredol athrawon ysgol sydd wed-i'u cynnwys yn Nogfen Tâl ac Amodau Athrawon Ysgol, a'r safonau proff-esiynol newydd ar gyfer athrawon (Cymru).

Dysgu ac Addysgu

- Cynllunio ac addysgu gwersi i'r dosbarthiadau dan eu gofal yn unol a manylebau CBAC, cynlluniau gwaith adran a pholisïau ysgol gyfan.
- Asesu, monitro, cofnodi ac adrodd ar anghenion dysgu, cynnydd a chyflawniadau disgyblion penod-edig.
- Paratoi dysgu cyfunol a dysgu o bell yn ôl yr angen.
- Cynnig arweiniad i gymorthyddion yn y gwersi.

Cyfrifoldebau Ysgol Gyfan

- Cyfrannu at ddatblygu, gweithredu a gwerthuso polisïau, arferion a chynlluniau'r ysgol.
- Gweithio gydag eraill ar ddatblygiad y cwricwlwm, yn benodol felly Cwricwlwm i Gymru
- Cydweithio i sicrhau lles a llwyddiant pob disgybl yn yr ysgol.

Iechyd a Diogelwch

- Hyrwyddo diogelwch a lles disgyblion.
- Cynnal trefn a disgyblaeth dda ymhlith disgyblion.
- Sicrhau defnydd gofalus o holl offer yr adran.

Datblygiad Proffesiynol

- Cymryd rhan mewn trefniadau ar gyfer gwerthuso ac adolygu eu perfformiad eu hunain a, lle bo hynny'n briodol, perfformiad athrawon a staff cymorth eraill gan gynnwys sefydlu.
- Cymryd rhan mewn hyfforddiant ysgol gyfan yn unol a chalendr yr ysgol

Cyfathrebu a chydweithio

- Cyfathrebu â disgyblion, rhieni a gofalywyr.
- Cydweithio a gweithio gyda chydweithwyr a gweithwyr proffesiynol perthnasol eraill yn yr ysgol a thu hwnt.

Er y cymerir pob gofal i egluro prif ddyletswyddau a chyfrifoldebau'r swydd, ni fydd pob tasg unigol wedi ei rhestru. Disgwylir i staff gytuno i gais rhesymol gan reolwyr i ymgymryd â thasg o lefel gyfatebol sydd heb ei rhestru yn y swydd ddisgrifiad hwn.

Manyleb Person

Athro/wes Cyffredinol

Hyfforddiant a phrofiad					
	Hanfodol	Dymunol	Cais	Cyfweliad	Gwers
1	Athro / athrawes gymwysedig gyda'r gallu i ddysgu Addysg Gorfforol	Gallu i ddysgu TGAU a Lefel A Addysg Gorfforol	✓	✓	✓
2	Gradd anrhydedd dda mewn maes perthnasol	Hyfforddiant perthnasol. Hyfforddiant cymorth cyntaf	✓		
3	Profiad o weithio a disgyblion o bob gallu	Profiad o ddysgu disgyblion uwchradd	✓	✓	
4	Profiad o gydweithio yn effeithiol fel aelod o dîm	Profiad o redeg clybiau allgyrsiol	✓	✓	

Gallu a Rhinweddau Personol					
	Hanfodol	Dymunol	Cais	Cyfweliad	Gwers
1	Dealltwriaeth o ddatblygiadau diweddar mewn addysg.	Dealltwriaeth o'r Cod ADY newydd	✓	✓	
2	Gallu da i weithio fel rhan o dîm a chyfathrebu ag eraill	Ethos waith broffesiynol a digon o hiwmor	✓	✓	
3	Dealltwriaeth o nodweddion addysgu ardderchog	Gallu da i werthuso perfformiad a sicrhau datblygiad	✓	✓	✓
4	Sgiliau TGCH da; i gyfathrebu, cofnodi ac addysgu	Dealltwriaeth o feddalwedd perthnasol eraill	✓		✓
5	Brwdfrydedd, dyhead ac angerdd at ddysgu ac addysgu	Gallu i gymell ac ysbrydoli disgyblion	✓	✓	✓